

《北方史地资料》编印说明

从三中全会以来，北方史学及考古学界极为兴旺，很多新人积极投入这一领域，出了许多成果。但是大家都苦于缺乏资料，花费在搜集资料方面的时间在整个科研时间中所占比例太大，而其中大量是重复劳动。因此，在谭其骧教授等先生们的倡议下，东北的一些同志决定协作起来编印一套《北方史地资料》。三年来，上百名同志积极投身于这一工作，宁愿自己多花些时间，让广大史学界的同志及后代从事科研者，不再搞重复劳动。现在《中国北方八省市考古论著汇编》、《东北历史地理论著汇编》、《金史语汇集成》、校订本等相继付印，《辽史索引》、《东北民族史论著汇编》、《东北民俗论著汇编》等书都在编汇中，不日即可付梓。这将是北方史地研究的一项建设。但由于参加人员大都是业余时间搞的，研究任务重，工作量又大，时间又紧，因此难免有错误遗漏之处，还望同志们给以指正，以求共同完善它。

北方史地资料编委会

北方史地资料编委会

主 编	孙进己		
副 主 编	冯永谦	冯季昌	陈国良
	张志立	郭建文	张璇如

编 委 (按姓氏笔划为序)

王柏泉	王宏刚	王禹浪
王培新	丛 军	冯永谦
冯季昌	刘 竟	庄 严
孙进己	陈国良	陈景源
张志立	张璇如	姚义田
段新树	唐 进	郭建文
徐 晔	黎久有	

前言

《东北历史地理论著汇编》，在辽宁社会科学院历史研究所、辽宁大学历史系、辽宁省博物馆及辽宁省图书馆的大力支持下，在诸多史界同行的协助下，我们克服了重重困难，用了将近二年的时间，终于使其与读者见面了。

本汇编是在参考中国社会科学院历史所和北京大学历史系合编的《中国史学论文资料索引》、复旦大学历史系编的《中国古代史论文资料索引》、中国科学院吉林分院历史所和吉林大学、吉林师大、吉林省博物馆合编的《东北地方史资料索引》、中央民族学院科研处编的《中国少数民族史论文资料索引》、复旦大学中国历史地理研究所编《中国历史地理论文目录》、日本东京教育大学东洋史研究室亚洲史研究会编《中国历史地理研究论文目录》（由复旦大学历史地理研究所译）及上海图书馆编的《全国报刊索引》等有关目录索引工具书，全面地收集编汇而成。本汇编所涉及的主要地区为辽宁、吉林、黑龙江及内蒙古东部的昭乌达盟、哲里木盟、兴安盟和呼伦贝尔盟等地区。所收论文范围为1984年以前，由公开刊物所发表的文章。所收著作和地方志中的有关东北历史地理内容均为解放前的前人研究成果。对于外文资料，我们按着有关读者的要求，精选一部分，翻译后汇编成册（《满洲历史地理》除外），以适应广大史学工作者使用的需要。

本汇编的体例，中文部分凡属综合性的文章均归入总论；凡属有时代特点的文章，分别按时间顺序归类成册；凡属论著、地方志则分别各自成册；外文均分类编译而成书。

编汇这部资料丛书的宗旨在于全面系统地反映出1984年以前关于东北历史地理的研究成果和有关资料。为广大中国史学工作者、历史地理研究者、东北地方史工作者、东北史学工作者、地方志、地名工作者及大专院校师生的研究工作提供有关信息和诸多方便。以避免重复性收集资料的劳动，但图为促进东北的史学研究工作起个抛砖引玉之作用。

本汇编对于和考古、民族学、经济史等有交叉内容的有关论著，除直接属于历史地理内容外，其它均未收入。虽然《汇编》力求准确无误，但也难免有许多遗漏和错误之处。故敬请诸位专家批评指正。

参加本汇编编辑工作的还有郑川水、潘玉民、郝秉让、张志立、史宝文、孙海等同志。辽宁省图书馆的庄玉香、张小放、臧迅等同志大力支持和帮助了我们的工作，在此一并表示衷心地感谢！

编者

一九八七年四月于沈阳

东北历史地理论著汇编

第八册¹ 地方志选编目录

奉天通志..... (1)

卷五一——五八 沿革..... (2)

卷五九 疆域..... (159)

卷六七——七二 山川..... (166)

吉林通志

卷一〇——一二 沿革志..... (317)

卷一五——一七 輿地志(疆域)..... (376)

卷一八、一九 輿地志(山)..... (432)

卷二二、二三 輿地志(水道)..... (462)

卷二四 輿地志(城池)..... (502)

黑龙江志稿

卷一 沿革..... (518)

卷二 疆域..... (570)

承德府志

卷三——六 建置..... (601)

卷七 疆域..... (657)

卷八 关隘..... (681)

卷一五 山川..... (686)

钦定热河志

卷五五——六三 建置沿革(一——九)..... (748)

建置沿革图 图一——图一二(周秦一明)..... (837)

奉天通志

卷 51—58. 59. 67—72

沿革 . 疆域 . 山川

奉天通志卷五十一

沿革志

竊錄大事既竟次及沿革沿革蓋與疆域對舉有一縱

沿革考古屬於縱疆域紀今屬於橫二者之分限不可棄也茲述沿革依代遞敘始於虞夏與大事志之始於秦漢者異蓋一以事蹟為主無徵者宜付闕如一以封域為主有徵者不容割棄故也先之以正史地理志次之以羣籍正史所不能詳始取羣籍證之唐代以前先舉州郡次及諸縣諸蕃其他城鎮要津悉加甄錄此以詳略為主者也自遼訖清去今未遠建置漸繁文獻足徵苦難悉數故闕其要而畧其細此以簡要為主者也然論唐代以往襄平之與遼陽營州之與柳城是否一地玄菟安東故府九都安市奉天通志 卷五十一 沿革志

舊城所在滋疑渤海扶餘遼易黃龍遼代顯州金稱廣寧金之咸平元名開元皆非一地以及婆娑府曷蘇館之所在三萬衛建州衛之徒置若斯之類又非一事博稽明徵加以辯駁詮次之際頗費鑽研甄明沿革是所尚也統部所敘訖於清季厥後釐正制度悉名爲縣民國之際或有增設是爲各縣沿革以表詳之附於志後且近代考沿革者楊氏不復有表李氏兆洛楊氏守敬有圖而楊氏尤以後出而精然皆詳於腹地畧於邊疆惟楊氏同桂之盛京疆域考悉本正史地理志考辨頗詳體裁亦善本志所資實在於是間有謬誤並爲刊正蓋考證地理既貴博涉復資日驗史公讀書必曰周覽亭林著述取證村氓古今一揆不可誣也述沿革志第二凡得八卷

沿革一

統部一 虞夏商周秦漢

虞夏商俱爲幽營二州地

幽州

營州

書舜典序十有二州注馬融曰禹平水土置九州舜以燕齊遼遠分燕置幽州分齊爲營州鄭康成曰舜以青州越海而分齊爲營州冀州南北太遠分燕以北爲幽州今古文獻並載史紀夏本紀正義舜分青州爲營州遼西及遼東通典州郡典 舜分青州爲營州其遼東之地安東府宜禹貢青州之域也

奉天通志 卷五十一 沿革志 沿革 沿革

又州郡典 舜分青州爲營州牧宜遼水之東是也

大明一統志 禹貢冀青二州之域舜分冀東北爲幽州即今廣寧以西之地青東北爲營州即今廣寧以東之地

盛京疆域考禹治水作貢但爲九州及舜即位始分冀州東北臨平間之地爲幽州又分青之東北遼東等爲營州

按今奉天省爲舜時幽營二州之地前書已有明徵而以明一統志之解釋爲最晰可以爲定論矣

禹貢冀州島夷皮服夾右碣石入於河

史記夏本紀島夷皮服集解鄭玄曰島夷東北之民捕食鳥獸者

按王氏補注以符婁即夫餘伊慮即醫閭皆在今奉天省其
州所謂島民皮服既指東北之民而言自貶今奉天省在內
史記索隱碣石山在北平驪城縣西南水經碣石山在遼西
臨榆縣南水中據此則碣石應在山海關內濱海之地禹貢
統敘故併言之

又按禹受舜禪後諸州之名無考當仍舜十二州之名而無
改併今奉天省在夏代仍屬幽營二州境

爾雅釋地燕曰幽州郭注自易水至北狄

又釋地齊曰營州郭注此蓋殷制

按殷制九州與舜時異然幽營二州之名不廢今奉天省屬
之

奉天通志 卷五十一 沿革一 統部一 虞夏商 三

肅慎

北發

史記五帝本紀北發息慎咸戴帝之功索隱北發北方國名集
解鄭玄曰息慎或謂之肅慎東北夷

按山海經不成山在肅慎國不成山即今長白山也故知肅
慎國地有一部入今奉天省何秋濤王會箋釋謂北發即逸
周書發人亦即今之輝發也其說無確證姑附係以備考

伊慮

符婁

逸周書王會解伊尹朝獻商書伊尹受命為四方令曰臣請正
東符婁伊慮

按王氏補注以符婁即夫餘伊慮即醫閭皆在今奉天省其
說詳後

周為幽州地

幽州

周禮職方氏東北曰幽州其山鎮曰醫巫閭

爾雅釋地東方之美者有醫無閭之珣玕琪焉郭注醫巫閭山
名今在遼東

楚辭遠遊篇夕始臨乎微閭王逸注微閭東方之玉山

盛京疆域考職方氏之幽州蓋環渤海而抱其三面非盡遼東
境也而遼地亦在幽州內矣

肅慎

奉天通志 卷五十一 沿革一 統部一 周 四

左傳 肅慎燕亳吾北土杜預集解肅慎北夷在玄菟北三
千里

逸周書王會解正北方稷慎大塵孔注稷慎肅慎也貢廬似處
國語 武王時肅慎氏貢楮矢石磐長尺有咫

史記孔子世家孔子在陳有隼集於陳廷而死楮矢貫之石磐
矢長尺有咫陳潛公使使問仲尼仲尼曰隼來遠矣此肅慎之
矢也

按肅慎國之本部在今吉林省境故杜氏謂在玄菟北三千
里然玄菟漢郡杜氏之所謂肅慎即漢時之挹婁也當周之
世肅慎國有不咸山其一部入今奉天故附及之此後則不
復再舉

發人

逸周書王會解發人鹿人孔注發亦東夷廣文

屠何

逸周書王會解不屠何青熊孔注不屠何亦東北夷也

管子小匡篇桓公伐山戎敗胡貉破屠河

通鑑外紀周惠王三十三年齊桓公救燕破屠河

大明一統志五徒河城廢齊之時已有此城

按此所謂屠何屠河疑卽晉以後之徒河明統志謂舜時已

有徒河城則更先於周代矣

東胡

逸周書王會解東胡黃熊孔注東胡東北夷

奉天通志

卷五十一 沿革一 遼東 五

按東胡說詳後

燕爲遼東遼西兩郡地

遼東郡

遼西郡

史記匈奴傳其後燕將秦開爲質於胡胡甚信之歸而襲破東

胡東胡卻千餘里燕亦築長城自造陽至襄平置上谷漁陽右

北平遼西遼東郡以距胡

又蘇秦傳燕東有朝鮮遼東

又秦始皇本紀二十一年燕王東收遼東而王之

又荆軻傳燕王喜太子丹盡率其精兵東保於遼東其後李信

追丹丹匿衍水中

又貨殖傳燕東北邊胡上谷至遼東地踔遠人民希數被寇

漢書地理志

武王定殷封召公於燕其後二十六世與六國俱

稱王東有遼西遼東

按合史記諸紀傳及漢書觀之遼東西之置郡實始於燕而

襄平亦燕所置縣而秦因之

東胡

史記匈奴傳燕北有東胡山戎各分散谿谷自有君長往往而

聚者百有餘戎然莫能相一

漢書地理志燕北障遼東烏丸夫餘之屬

貢番

奉天通志

卷五十一 沿革一 遼東 六

史記朝鮮傳自始全燕時齊略屬貢番朝鮮爲置吏築鄣塞

又貨殖傳燕東箱穢貉朝鮮貢番之利

漢書地理志燕東貢貢番之利

按貢番國名始見於燕時爲江鴨綠江上游及佟佳江流域

之地迨漢武定朝鮮始因以置郡

秦爲遼東遼西兩郡地

遼東郡

遼西郡

史記秦始皇本紀二十五年分天下爲三十六郡集解曰三十

六郡者遼西遼東

又蒙恬傳秦使蒙恬築長城因地形用制險秦起臨洮東至遼

水海上

水經注水大 秦始皇二十二年滅燕置遼東郡後漢書王莽三

年二十二年之二十五年

東胡

眞番

史記朝鮮傳秦滅燕屬遼東外徵

漢初之變 爲遼東國燕國地

遼東國

燕國

史記秦楚之際月表楚義帝元年一月分燕爲遼東二月王韓廣始故燕王三月都無終八月滅荼擊殺廣無終滅之屬燕

奉天通志 卷五十一 沿革一 統部一 漢 七

按通鑑胡注無終屬北平郡非遼東郡考史記高祖本紀立燕將臧荼爲燕王都薊故燕王韓廣徙王遼東廣不聽臧荼攻殺之無終秦楚之際月表秦二世乙亥十二月分燕爲二國索隱燕遼東也蓋羽分燕爲燕遼東二國使臧荼王燕徙故燕王韓廣王遼東廣不聽都無終不去臧荼攻滅之故遼東復屬於燕至高帝五年而燕國除

又按漢初以遼東遼西兩郡屬遼東國燕國非廢郡而置國也

眞番

史記朝鮮傳漢興滿亡命東走出塞稍役屬眞番朝鮮蠻夷孝惠高后時滿得兵威財物侵降其旁小邑眞番臨屯皆來服屬

傳子至孫右渠眞番旁衆國欲上書見天子又擁闕不通

史記太史公自序燕丹散亂遼間滿收其亡民厥聚海東以集眞番倭塞爲外臣

按說詳漢眞番郡下

漢爲遼東遼西玄菟三郡地

幽州

遼東郡

漢書地理志遼東郡秦置屬幽州縣十八

襄平 新昌 無慮 望平 房 候城 遼隊 遼陽

險濱 居就 高顯 安市 武次 平郭 西安平 文

杏氏 番汗

奉天通志 卷五十一 沿革一 統部一 漢 八

史記朝鮮傳漢興復修遼東故塞至沮水爲界

又周勃世家勃以相國代樊噲將下薊得綰遼西遼東二十九縣

案漢代遼東西兩郡共三十二縣蓋後有增置也

襄平

漢志襄平有牧師官莽曰昌平

水經大遼水出塞外東南入塞過遼東襄平縣西注遼水自塞外東流屈而西南流逕襄平縣故城西王莽之昌平也

又注小遼水又西南逕襄平縣爲淡淵又逕襄平縣入大梁水新唐書地理志安東都護府故漢襄平城也

遼東志 襄平城在遼陽城西北隅今定遼左右後三衛治

奉天通志

卷五十一

沿革一 統部一 漢

九

按漢遼東郡以襄平爲附郭縣而屬縣有遼陽自來論者頗多異說茲爲辨之遼東志謂襄平在今遼陽城西北隅遼東志而方輿紀要則謂在遼陽北七十里清統志僅謂襄平在遼陽北而於遼陽故城則謂在今遼陽西北界承德遼陽志遼陽之間梁水渾河交會之處至今遼陽則又遼金之遼陽也楊氏漢地理圖則以漢遼陽卽在今遼陽此皆因去古綿遠不能確指其地乃約略言之耳夫城邑有變遷而山川無改易其地既不能確指當以山川方位考之水經謂大遼水東南入塞過遼東襄平縣西注亦云遼水西南流逕襄平縣故城西又云小遼水出遼山西南流逕遼陽縣與大梁水會又西逕襄平縣又云逕襄平縣入大梁水襄平在遼水之東故經云大遼水過襄平縣西水經爲三國時人作襄平縣尙在故云過襄平縣西迨至後魏鄒氏作注時襄平故地已爲高句麗所據故又云逕襄平縣故城西也襄平在南遼陽在北故小遼水西南流先逕遼陽繼逕襄平此就山川方位可考定者一也三國志後漢末公孫度自立爲遼東侯平州牧治襄平至其孫淵魏遣司馬懿征之淵遣將軍卑衍楊祚等步騎數萬屯遼陽圍堑二十餘里魏軍穿圍引兵東南向而急東北卽趨襄平進至首山淵遣衍等迎戰擊破之遂進軍造城下爲圍堑會霖雨三十餘日襄平水竭運船自遼口南至城下城中糧盡人相食將軍楊祚等降八月丙寅夜大流星長數十里從首山東北墜襄平城東南壬午淵衆

奉天通志

卷五十一

沿革一 統部一 漢

十

潰與其子修突圍東南走大兵急擊之當流星所墜處斬淵父子晉書宣帝紀作斬淵父子於梁水之上近人吳承志云遼陽爲小遼水入大遼水之處遼口謂渾河運船自此溯渾河入太子河達城下今太子河去城十五里證據自備吳氏以漢襄平縣治在今遼陽城故言之如此再就魏志晉書攷之今遼陽城在首山東北十五里與流星自首山東北墜襄平之方位正相脗合今太子河自塞外西南流逕遼陽城東南轉而西北流距城垣東北隅僅十數丈再折而西流入渾河故運船自遼口入太子河可徑達城下流星墜於城東南正當梁水所經而淵父子亦適被斬於是處也此就山川方位可攷定者又一也通典唐高宗上元二年徙安東郡護府於遼東故城儀鳳二年徙新城玄宗天寶二年又徙遼東故郡城吉林通志謂故城卽襄平新城卽遼陽遼陽志此蓋爲方輿紀要諸書所誤不知通典所謂故城故郡城實爲一地卽漢遼東郡治之襄平新唐書地理志謂安東郡護府故漢襄平城是也遼陽縣置於漢至後燕時爲高句麗侵據徙置於遼西其後遂廢至遼初遼陽之名始復見於史冊其故城何在已難確指尋以命名之義水北曰陽故城當在小遼水之北清統志謂在今瀋陽遼陽之間梁水渾河交會之處尙得其似此又可考而知也遼史地理志太祖神冊四年貢遼陽故城天顯十三年改爲東京府曰遼陽吳承志謂唐以高藏爲遼東都督藏謀反後建府易遼東郡故城爲遼陽其說

雖無確證然謂都護府所徙之遼東郡故城卽遼志之遼陽故城說則甚確不可易也吳氏又云方輿紀要以唐遼陽爲漢遼陽移襄平於司馬北七十里與班志所云界迹相反今州北別無城迹不知所據爲何地遺址盛京通志謂在今遼陽城西北隅襄平所在可無迷惑竊謂襄平城爲遼東郡治唐代猶以其地爲安東都護府則其城址必甚廣闊至今時僅千餘年若在城北其故址非不易尋乃竟無可指者且按之故記漢襄平城確爲今遼陽城具如上述無可疑者至遼陽者在漢代爲遼東郡之一屬縣情諸新昌居就平郭之列雖與襄平比數故城毀廢已久宜乎其渺不可尋也

奉天通志 卷五十一 沿革 遼陽 十一

新昌

金史地理志澄州臨潢縣鐵一新昌
讀史方輿紀要 新昌城在衛東漢縣屬遼東郡
按清統志以新昌故城在海城縣東蓋采方輿紀要滿洲歷史地理則謂在今遼陽縣西北

無慮

漢志無慮西部都尉治師古曰卽所謂臨巫間
方輿紀要 無慮城今衛治本漢之無慮縣屬遼東郡
按清統志以無慮故城爲廣寧縣治卽今北鎮縣也

望平

漢志望平大遼水出塞外南至安市入海行千二百五十里莽

曰長說

水經注遼水自塞外東流直遼東之望平縣西王莽之長說也大
大明一統志 望平廢縣在廣寧城東北一百五十里漢置
方輿紀要 望平城衛東北九十里漢置縣屬遼東郡
按楊氏漢地理圖置望平於鐵嶺西遼河東岸與水經注合
至明統志方輿紀要所謂在遼水西岸之望平縣乃金代以
廣寧府山東縣改置非漢望平縣也說詳金代

房

水經大遼水又東南過房縣西注房故遼東之屬縣白狼水又
東南流至房縣注於遼

奉天通志 卷五十一 沿革 遼陽 十二

按盛京疆域考謂房縣在海城似爲今營口縣境東漢地理
圖則置於海城之西遼河東岸餘說詳後房縣下

候城

漢志候城中都尉治
遼史地理志咸州在漢候城縣北
按遼咸州今之開原也盛京疆域考謂候城在今開原東南
滿洲歷史地理謂在今之瀋陽皆爲近似惟前漢地理圖置
於海城之南殆不可從

遼隊

漢志遼隊莽曰順陸

水經注小遼水西南至遼陽縣入於大遼水遼水大東經遼

遼縣故城西王莽更名之曰順陸也。

遼史地理志遼陽府仙鄉縣本漢遼隊縣地。

大明一統志卷二十遼隊廢縣在海州衛城今屬西六十里漢置

遼隊縣

按楊守敬水經注置遼隊於海城西北遼河之東滿洲歷史地理謂約在牛莊之西北今牛莊城在海城西四十里豈卽遼隊縣之遺址歟。

遼陽上同

漢志大梁水西南至遼陽入遼莽曰遼陰。

水經注水小水出遼山西南流逕遼陽縣與大梁水會水出北

塞外西南流注遼水故地理志曰大梁水西南至遼陽入遼郡

奉天通志卷五十一遼陽一漢

十三

國志曰縣故屬遼東後入玄菟。

大清一統志卷八十三遼陽本漢縣名屬遼東郡後漢安帝初改屬

玄菟郡晉廢其舊址久湮以漢志及水經注考之其地當在今

州遼陽縣承德遼陽之間梁水渾河交會之處今州乃遼金之遼

陽也。

按方輿紀要謂遼陽廢縣在遼東都司城內漢縣屬遼東郡

盛京疆域考漢地理志遼東三省沿革表皆因之此實誤也

惟滿洲歷史地理謂應今瀋陽城東南渾河北岸渾河太子

河會流之處說與清統志合其詳已見襄平縣下。

又按後漢以遼陽與高顯候城改隸玄菟郡卽以此三縣同

在渾河以北也若以漢遼陽在今遼陽而襄平反在其北則

遼陽隸玄菟時尙有襄平之地爲之間隔恐無足理自以襄平在南遼陽在北之說爲是。

險瀆上同

漢志注應劭曰朝鮮王濊都也依水險故曰險瀆臣瓚曰王險

城在樂浪郡沮水之東此自是險瀆也。

方輿紀要卷八險瀆城在衛東南漢縣屬遼東郡。

按盛京疆域考謂險瀆在新民縣城今屬南境廣寧縣東南與

方輿紀要說合清統志謂爲廣寧東南濱海之地城今屬是也

晉書載記尙有險瀆之名在遼東而應劭謂卽樂浪郡之王

險城在沮水之東是以一字之同強爲比附臣瓚辨之尤矣

居就上同

奉天通志卷五十一遼陽一漢

十四

漢志居就室爲山室爲水所出北至襄平入梁也。

陸璣爾雅草木蟲魚疏語曰居就糧梁水魴。

遼史地理志遼陽府鶴野縣漢居就縣也。

方輿紀要卷八居就城在衛東北漢縣屬遼東郡。

按清統志謂室爲水卽遼陽東南五十二里之湯河河源出

分水嶺北流入太子河分水嶺卽室爲山陳澧漢志水道圖

說謂室爲水爲今遼陽之沙河出千山北流至遼陽西北入

太子河依遼志方輿紀要所紀應從陳氏之說盛京疆域考

謂居就在遼陽西南是也。

高顯上同

按漢志釋地畧謂高顯爲今承德城今屬許後漢

安市上同

水經大遼水又東過安市縣西南入於海注十三州志曰大遼水自塞外西南至安市入於海

遼史地理志鐵州本漢安市縣

大明一統志二十安市廢縣在蓋州衛東北七十里漢置

方輿紀要四安市城衛東北七十里漢安市縣屬遼東郡

按安市城爲今海城縣南十五里之營城子說詳唐代

武次上同

漢志武次東部都尉治莽曰桓次

方輿紀要四司東北有武次縣漢縣屬遼東郡

按歷代地理韻編謂武次在承德縣東漢地理圖從之尙與

奉天通志卷五十一 沿革 統部 漢 十五

紀要說合惟讀史兵略注及漢志釋地略謂爲今岫巖滿洲

歷史地理謂爲今之鳳凰城蓋皆約略言之

平郭上同

漢志平郭有鐵官鹽官

新唐書地理志安東都護府西南至建安城三百里故平郭縣

也

方輿紀要四平郭城在衛南漢縣屬遼東郡

按漢地理圖置平郭於蓋平河南熊岳河北與方輿紀要之

說合今蓋平東北九十里有鐵場堡是地舊出鐵豈鐵官爲

是而置賦又平郭之地近海出鹽故置鹽官

西安平上同

漢志西安平莽曰北安平

又五馬營水西北入鹽難水西南至西安平入海

新唐書地理志安東都護府南至鴨綠江北泊灼城七百里故

安平縣也

三國魏志東夷傳西安平縣北有小水南流入海句麗別種依

小水作國因名之爲小水貊

按三國志外國傳考證以西安平爲今安東東北地盛京疆

域考似爲今安東寬甸兩縣地漢地理圖則置於鳳凰城南

滿洲歷史地理則以爲今安東之九連城然泊灼城近在鴨

綠江西岸已有明徵說詳則諸家之說尙爲近之

文上同

奉天通志卷五十一 沿革 統部 漢 十六

漢志文莽曰受亭

方輿紀要四文城在衛西漢置文縣屬遼東郡

按漢志釋地略謂文縣在熊岳城盛京疆域考謂在復州境

番汗上同

漢志番汗沛水出塞外西南入海

說文沛水出遼東番汗塞外西南入海

按番汗之所在前人殊無定說徐廣云疑卽眞番盛京疆域

考謂在朝鮮境楊氏漢地理圖置於今昌圖以爲遼東郡屬

縣故併舉之

沓氏上同

漢志注應劭曰沓水也

說文：遼東有杏縣。

方輿紀要：杏氏城在遼東南，漢縣屬遼東郡。晉廢志云：河旁有杏渚，漢杏氏縣因以爲名，非也。縣西南臨海，渚之杏渚。

按漢志釋地略謂杏氏爲寧海。京盛縣城考謂在杏州之東，皆與方輿紀要說合。惟清統志以杏氏在遼陽界，殊不合。三國之世，累見杏渚、杏渚之名，爲吳軍航海至遼登岸之地，自在金州無疑。

玄菟郡

漢志：玄菟郡，武帝元封四年開，高句驪屬幽州縣三：高句驪、上殷台、西蓋馬。

奉天通志

卷五十一

沿革一統部一漢

十七

臨屯玄菟眞番四郡

三國魏志：東夷傳以沃沮城爲玄菟郡。

後漢書：東夷傳始元五年，罷臨屯、眞番，以併樂浪、玄菟，復徙居句驪。自單大領已東，沃沮、濊貊悉屬樂浪。

漢書：昭帝紀元鳳六年春正月，募郡國徒築遼東玄菟城。

三國魏志：東夷傳後爲夷貊所侵，徙郡句驪西北。今所謂玄菟故府是也。

按史記：朝鮮傳自全燕時，嘗略屬眞番、朝鮮，爲置吏，築障塞。秦滅燕，屬遼東外徼，是眞番、朝鮮之地不屬於燕、秦之遼東郡明矣。漢武帝定朝鮮，始置四郡：樂浪郡以朝鮮爲附郭縣，樂浪郡治在今平壤，卽朝鮮縣之所在。據此，則燕時所略之

朝鮮，乃在鴨綠江之東，故曰屬遼東外徼也。四郡之中，有眞番、濊貊。漢書注曰：玄菟本眞番國，蓋漢因古眞番國之地而置郡，然於眞番之外別置玄菟，則眞番之不括於玄菟又明矣。玄菟初置於沃沮，卽單大嶺以東，其後屢有遷徙，故三國

魏志謂漢武行朝鮮地以沃沮城爲玄菟郡，後爲夷貊所侵，徙郡句驪西北。沃沮還屬樂浪，此卽第一次之遷徙也。三國

吳志注謂是時之玄菟郡在遼東北，相去二百里，又非始元

移置之郡，是又爲第三次之遷徙矣。考始元所徙之郡，已至今朝鮮咸興道西，徙入今奉天東境後，再徙於遼東郡治北

二百里，近人丁鑑考此最晰，別舉於後。

又按元鳳六年後，於始元五年七年，蓋因徙郡之後而城不

奉天通志

卷五十一

沿革一統部一漢

十八

堅，故募徒築之。

高句驪

漢志：高句驪，遼山遼水所出，西南至遼隊入遼水，又有南蘇水，西北經塞外。

後漢書：東夷傳武帝滅朝鮮，以高句驪爲縣，使屬玄菟。

水經：玄菟高句驪縣有遼山，小遼水所出，注縣故高句驪胡之國也。漢武帝元封三年，平右渠置玄菟郡於此。王莽之下句驪

三國史記：琉璃王二十三年，秋八月，進兵襲取

漢高句驪縣。

按逸周書：王會解北方，正東高夷，孔注：東北夷，高句驪是。周初已有高句驪之名矣。丁鑑謂玄菟郡初置沃沮時，本無

高句麗三縣之名，追始元移郡之後，始取高句麗爲玄菟屬縣，遂以爲郡治。此論與後漢書東夷傳玄菟徙居句驪之語相合，然亦未得其審也。三國魏志東夷傳謂徙郡句驪西北，言西北則非句驪故地，而其故地必在新徙郡之東南，據此則又以在沃沮者爲句驪之故地，亦卽周書之所謂高夷矣。然丁鑑又謂玄菟既徙，其所謂高句驪者，當於興京西北百里之地求之，此蓋因漢志水經高句驪有遼山遼水一語而定。滿洲歷史地理則謂應在興京之老城蓋小遼水卽今渾河其上之一源名蘇子河，出於老城附近，因此比附而定高句驪之所在，當相去不遠也。

又按清統志謂縣爲小遼水所發源，今興京北近渾河之源。

奉天通志 卷五十一 沿革 一 遼 十九

蓋卽漢高句驪縣地，此卽丁鑑之說所由出也。

又按高句驪東明王建國於漢元帝建昭二年，蓋卽據玄菟郡之故地，其後又襲取西徙之高句驪縣而有之，則玄菟郡又必西徙矣。

西蓋馬

漢志西蓋馬，馬背水西北入鹽難水，西南至西安平入海，過郡

二，行二千一百里，莽曰玄菟亭。

三國魏志東夷傳，東沃沮在高句麗蓋馬大山之東，濱大海而居。

按陳澄東夷集謂蓋馬大山爲西蓋馬縣境之山，吉林通志則逕謂蓋馬大山爲長白山，而山之西則爲西蓋馬縣，以爲

滿貊所侵，曾有數次之移置，而不能確指其地，惟吉林通志以玄菟郡三縣皆在今吉林省境，則似失於偏北，而未可冒昧從之矣。

又按玄菟郡所領上股台縣，應在吉林省境，故略而不舉。

遼西郡

漢志遼西郡，秦置，有小水四十八，並行三千四十六里，州縣十四。

交黎

交黎縣

徒河 臨渝

漢志交黎，渝水首受塞外，南入海，東部郡尉治，莽曰禽虜。

水經注，白狼水又東北逕昌黎縣，故城西，地理志曰交黎也，東

奉天通志 卷五十一 沿革 一 遼 二十

部郡尉治，王莽之禽虜也，應劭曰，今昌黎也。

方輿紀要，棘城在營州，故城東南百七十里，漢交黎縣也，屬遼西郡。

按盛京疆域考，以交黎在義州境，滿洲歷史地理謂卽今大

凌河城，蓋漢志之渝水，水經之白狼水，皆指大凌河言也，說

詳後漢昌遼縣下。

狐蘇

漢志狐蘇，唐就水至徒河入海。

按陳澄謂唐就水卽今小凌河，盛京疆域滿洲歷史地理謂

謂狐蘇在今錦縣，當相去不遠也。

徒河

漢志徒河并曰河福。

太平寰宇記七營州柳城縣徒河城漢縣有廢城在今郡東北。

方輿紀要八徒河城在營州東百九十里漢縣屬遼西郡。

按清統志謂徒河故城在今錦州西北滿洲歷史地理謂即
在錦州府其大略可考矣說詳晉徒河下。

臨渝

漢志臨渝渝水首受白狼東入塞外又有候水北入渝并曰焉
德。

說文九渝水在遼西臨渝東出塞。

水經注六白狼水又東北出東流分爲二水右水疑卽渝水

奉天通志

卷五十一

遼東

二十一

也地理志曰渝水首受白狼水西南循山逕一故城西以爲河
連城疑是臨渝縣之故城王莽所謂焉德者也

按陳澧漢地理志水道圖說謂渝水卽今大凌河故漢地理

圖置臨渝於義州東大凌河東岸。

又按遼西郡所屬十四縣如且慮或謂音同無慮在今義縣

如海陽或以爲在今綏中縣如柳城或以爲在今錦西寧遠

如桑或以爲在今義縣茲經詳考皆在今熱河河北兩省境

內前人引而置於偏東之地故不免於疑誤故略而不取

然此三省壤地交錯之處殊不易別其斷限姑就可知者約

略言之耳。

眞番

漢書武帝紀元封三年夏朝鮮斬其王右渠降以其地爲樂浪
臨屯玄菟眞番郡注臣瓚曰茂陵書臨屯郡治東嶺縣去長安
六千一百三十八里十五縣眞番郡治雲縣去長安七千六百
四十里十五縣

按丁鑑大韓城考云眞番之地雖不可詳要在今興京之
南佟家江之左右又云興京之南鴨水以北今鴨河以東
豬江之左右沿江千里之地既非遼東又非朝鮮必古
之眞番也東儒謂在咸鏡以北恐不然也又云平壤以南雖
南至東萊無可以當七千六百里者惟鴨水北烏喇之界東
極海地勢荒遠奚止七千里而已但所謂眞番必在興京

奉天通志

卷五十一

遼東

二十一

之南白山之西苟在遼東三千里之地

則其人無以通貫於眞番而玄菟無以合郡於眞番

矣眞番既合玄菟則眞番之跡宜於玄菟求之據此則眞番

郡之所在已入奉天省境日本那珂通世謂雲縣在鴨綠江

之上游七千爲五千之誤寫然攷改古書強人就我爲通人

所不許故存其說附於漢郡之後以備考焉

眞番

後漢書烏桓傳元狩四年霍去病擊破匈奴左地因徙烏桓於

谷溫陽右北平遼東西五郡塞外爲漢偵察匈奴動靜昭帝

時匈奴東擊破烏桓大將軍霍光聞之因遣度遼將軍范明友

將出騎出遼東邀匈奴而虜亦引去明友乘烏桓新敗遂遷

擊之

按漢書東西南兩郡塞外之地卽在今奉天熱河兩省接壤之地彰武通遼等縣皆括於內亦卽匈奴左地之一部也後漢爲遼東玄菟遼西三郡及遼東屬國地

幽州後漢書卷一百一十五

晉書地理志遼東郡漢光武以遼東等屬青州後還幽州

遼東郡後漢書卷一百一十五

續漢書郡國志遼東郡遼東郡十一城注秦置雒陽東北三千六百里案本紀和帝永元十六年郡復置西部都尉官

襄平 新昌 無慮 望平 候城 安市

平郭 西安平 汶 番汗 杏氏

奉天通志 卷五十一 遼東郡 二十三

襄平後漢書卷一百一十五

三國魏志公孫度傳本遼東襄平人同郡徐榮爲遼東太守先時屬國公孫昭守襄平令召度子康爲伍長度到官收昭

符殺於襄平市後漢書卷一百一十五

又公孫度傳建安十二年袁術等奔遼東康斬送尙首

封康襄平侯

按後漢襄平之所在同前漢以下諸縣同者從略

新昌後漢書卷一百一十五

後漢書句麗傳建光元年夏與遼東鮮卑八千餘人攻遼隊殺

略吏人蔡顯等追擊於新昌戰歿

無慮後漢書卷一百一十五

後漢書安帝紀元初二年秋八月遼東鮮卑無慮縣注屬遼東郡有臨平關山因爲名焉

又鮮卑傳鮮卑復寇遼東屬國於是耿曄乃移屯遼東無慮城以拒之

按遼東屬國所屬亦有無慮然鮮卑傳既曰寇遼東屬國又曰屯遼東無慮城則下文之遼東必指遼東郡而言以別於屬國以是知注云遼東郡一語爲有據也

望平後漢書卷一百一十五

安市後漢書卷一百一十五

平郭後漢書卷一百一十五

奉天通志 卷五十一 遼東郡 二十四

按有鐵一語與前書地理志有鐵官之語相應

西安平後漢書卷一百一十五

續漢志西安平注魏氏春秋曰縣北有小水南流入海句驪別種因名之小水新

後漢書句驪傳質桓之間復犯遼東西安平

三國魏志東夷傳順桓之間復犯遼東又攻西安平

方輿紀要漢置文縣後漢改曰汶

番汗後漢書卷一百一十五

杏氏後漢書卷一百一十五

遼隊後漢書卷一百一十五